

## Disgrazchà al Piz Linard

**Pulizia chantunala** In dumengia avantmezdi es disgrazchada ün'alpinista al Piz Linard sur Lavin. La duonna da 44 ons d'eira in viadi cun seis partenari vers il piz. La bunura d'eiran els partits da la Chamonna Linard. Cuort avant il piz, sül spi südost sün ün'otezza da 3300 m s.m., es la duonna lura però crodada var 200 meters illa pro-

fuondità, sco cha la Pulizia chantunala scriva in üna comunicaziun.

Il salvamaint da la Rega ha be amo pudü chattar morta l'alpinista. Seis partenari nun es gnü feri ed ha tschüf sustegn dal Care-Team Grischun. Insembl culla procura publica examinescha la Pulizia chantunala co cha quist accidaint mortal ha pudü capitar. (cdm/rtr/fmr)

### Arrandschamaints

## Linard Bardill prelegia a Valchava

**Chasa Jaura** Linard Bardill preschaina seis nouv cudesch da poesias «Terra pels peis - Den Füssen ein Grund» illa Chasa Jaura a Valchava. In quistas poesias giouva el cun tuot ils elemaints: la terra, l'ajer, la natüra, il temp ed il spazi. L'autur lascha relantar e drizza seis sguard sün l'essenzial. E perquai cha Linard Bardill es adüna eir ün grond narratur e chantautur, raquinta sia lingua istor-

gias, s-chaffischa purtrets ed es ludica e famigliara. Per l'accumpagnamaint musical es Linard Bardill natüralmaing eir d'udir in original. La prelecziun cun musica in rumantsch e tudais-ch illa Chasa Jaura a Valchava ha lö in gövgia, ils 21 settember, a las 20.30. I vain organisà eir üna maisa da cudeschs da la chasa editura rumantscha ed ün aperitiv. (protr.)

## Concert classic a San Niclà

**San Niclà** Il Center cultural Baselgia San Niclà invida in venderdi, als 22 settember ad ün concert classic romantic cul duo Claudia Augusta. Pasquale Bonfitto (clavazin) e Matteo Bodini (cello) derivan dal Vnuost. Els sunan tocs per e-piano e cello ed accumpognan al pu-

blic sün ün viadi musical da Bach fin Pärt. Il concert cumainza a las 20.15 illa baselgia San Niclà. Sco finischun offra la società ün aperitiv. (protr.)

Reservaziun, tel. 081 864 08 89 / 076 343 63 51.

## Terz Poetry Slam Engiadinais

**Samedan** L'uniun dals Grischs invida al terz Poetry Slam Engiadinais. Quel ho lö als 22 settember in Chesa Planta a Samedan. Modereda vain la saireda da Romana Ganzoni. La bar es avierta a partir da las 19.30 ed a las 20.00 cumainza il slam. Poetry slams sun occurrenz, inua cha persunas prelegian lur

texts ad ün public. Ils texts paun esser poesias, istorgias, que po dafatta ir in direcziun da «rap. Minchün ho be ses minuts per sia performance. Il public decida chi chi guadagna e quella persona survain üna butiglia iva. (protr.)

Infuormaziuns: [www.udg.ch](http://www.udg.ch).

## Exposiziun in regordanza da Otmar Derungs

**Ftan** L'artist engiadinais Otmar Derungs es mort la mità da mai a Strada. In algordanza a sia lavur artistica organiseschan ils fradgliuns ün'exposiziun dals 29 settember fin als 19 october il

chasa a Strada. Da verer sun eir ouvas plü veglias cha Otmar Derungs vaiva pitturà sco giuvnot d'ürant il temp ch'el vivaiva a Turich. La vernissascha da l'exposiziun in memoria ad Otmar De-



Xiaoming Wang es il solist culla già da l'orches Scuol.

## Stradivari cun qu

**Dals 25 als 28 settember ha lö la festa da Stradivari in Engiadina Bassa. D'ürant quatter dis han lö quatter concerts a Sent, Ardez, Scuol e Tarasp. Il punct culminant saran las quatter stagiuns da Vivaldi in marcurdi illa baselgia da Scuol.**

NICOLO BASS

Eir quist on ha lö la festa da Stradivari in Engiadina Bassa. Dals 25 fina ls 28 settember spordscha il Quartet Stradivari insembl cun otras musicantas e musicants ün giodimaint musical da buna qualità illas müraglias istoricas intuorn Scuol. Ils organisatuors impromettan ün evenimaint musical per tuot ils sens, il program es multifari: In lündeschdi,

cert in m...  
gia ad A...  
punct c...  
cert cull...  
cun ün c...  
balo, in...  
baselgia...  
sta da S...  
settemb...  
da tang...  
Chastè c...  
daja plü

**Colliar** I...  
Il solist...  
valdi es...  
cha stag...  
ed el am...  
adüna d...  
musica...  
da's ider...  
e minc...  
mains e